

ORKUVEITA REYKJAVÍKUR


UFS EINKUNN **88 / A3**

A1-A3	B1-B3	C1-C3	D
Framúrskarandi	Gott	Miðlungs	Slakt


UFS NIÐURSTÖÐUR

NIÐURSTÖÐUR	Vægi	Stig	Einkunn
Heildareinkunn	100%	88	A3
Umhverfisþættir	40.5%	93	A2
E.1 Visthagkvæmni	19%	93	A2
E.2 Umhverfisstjórnun	18%	94	A2
E.3 Vörur og þjónusta	3.5%	85	B1
Félagsþættir	28.5%	87	A3
S.1 Mannauður	22%	91	A3
S.2 Viðskiptaánægja og tengsl við samfélagið	3.5%	70	B2
S.3 Vörur og þjónusta	3%	85	B1
Stjórnarþættir	31%	82	B1
G.1 Almennir stjórnarþættir	10%	76	B2
G.2 Starfshættir og aðfangakeðja	21%	85	B1

UFS EINKUNN



UFS EINKUNNADREIFING



STUTT SAMANTEKT Á NIÐURSTÖÐUM

Orkuveita Reykjavíkur stendur sig afburða vel í UFS mati Reitunar líkt og síðustu ár. Samstæðan er skipuð Orkuveitunni og fjórum dótturfélögum (Veitum, Ljósleiðaranum, Orku náttúrunnar og Carbfíx) sem öll sinna mikilvægum hlutverkum fyrir íslenskt samfélag. Nýsköpun og þróun innan félagsins hefur skilað af sér vörum og þjónustu sem styðja við ábyrgt vöruframboð og má þar helst framleiðslu og dreifingu á endurnýjanlegum orkugjöfum, uppbyggingu rafhleðslustöðva og förgun gróðurhúsalofttegunda í gegnum Carbfíx. Umhverfisumgjörð félagsins er mjög góð og hefur félagið fengið vottun á umhverfisstjórnunarkerfið sitt samkvæmt ISO 14001 staðlinum ásamt því að innleiddur var ISO 14064-1 staðall árið 2023. Þá hefur Orkuveitan fengið losunarmarkmið sín byggð á vísindalegum grunni staðfest og hefur í kjölfarið umbylt umhverfisbókhaldu sínu sem er nú mjög ítarlegt. Orkuveitan heldur áfram að ná góðum árangri í að draga úr losun á framleidda einingu af rafmagni og er jákvætt að félagið fangar og bindur hluta af CO2 sem það losar frá Hellisheiðarvirkjun í berg með Carbfíx tækninni og árið 2023 var hafið að gera slíkt hið sama á Nesjavallavirkjun. Vel er staðið að aðkomu og stýringu stjórnar og stjórnenda að loftslagslagstengdri áhættu hjá samstæðunni og er samstæðan einnig virk þegar kemur að fjárfestingum í loftslagstengdum innviðum. Félagið hefur gefið út reglulega græn skuldabréf frá árinu 2019 og markmið Orkuveitunnar er að fjármagna reksturinn einungis með grænum eða sjálfbærnitengdum útgáfum en öll fjármögnun samstæðunnar síðustu tvö ár féll undir græna fjármögnunarrámmann.

Áherslur og umgjörð Orkuveitunnar um mannaúð er góð og er félagið með margvíslega ferla til að styðja við og auka vellíðan og ánægju starfsfólks. Heilt yfir mannaúðsmálum til stuðnings mælist starfsánægja góð. Heilsu- og öryggismál eru áhættuþáttur fyrir félagið en öryggis- og heilsuáhrif félagsins eru í góðum farvegi og er félagið t.a.m. með ISO 45001 vottun á stjórnunarkerfi sitt sem tekur á vinnuöryggi og heilsuvernd. Þá leggur félagið áherslu á forvarnaaðgerðir til að draga úr mismunum og auka jafnrétti meðal starfsfólks og er góð fjölbreytni í efra starfsmannalagi en heilt yfir er karlkyns starfsfólk í miklum meirihluta. Orkuveitan er í góðum tengslum við samfélagið með styrkjum og fræðslu og fylgist með afstöðu almennings til vörumerkis samstæðunnar. Orkuveitan hefur innleitt sjálfbærniákvæði á skýran hátt í aðfangakeðju félagsins og fylgir þeim ákvæðum vel eftir. Stór áhættuþáttur hjá félaginu snýr að upplýsinga- og gagnaöryggi og persónuvernd þar sem þeir reka innviðþjónustu fyrir landið og eru upplýsingaöryggiskerfi félagsins vottað samkvæmt ISO27001 staðlinum. Orkuveitan starfar undir stífu regluverki og er í eigu borgarinnar og sveitafélaga og því er alltaf utanaðkomandi áhætta vegna aukins regluverks og breytinga á regluverki sem gæti komið niður á sjálfbærniþáttum. Upplýsingagjöf félagsins er framúrskarandi og heilt yfir vinnur Orkuveitan markvisst að því að lágmarka sjálfbærniáhættu og nær framúrskarandi árangri á mörgum sviðum í þessu mati.

SAMANBURÐUR VIÐ ÍSLENSKA ÚTGEFENDUR

Orkuveita Reykjavíkur er fyrir ofan meðaltal í öllum flokkum í samanburði við aðra innlenda útgefendur sem hafa farið í gegnum UFS mat hjá Reitun, en þau eru um 40 talsins. Meðaltal markaðarins sýnir heildareinkunn sem er nú 71 stig af 100 mögulegum, flokkur B2.

Fyrirvarar

Við gerð þessarar greiningar og mats á umhverfis- og félagsþáttum og stjórnarháttum (UFS), er gengið út frá því að þau gögn og upplýsingar sem Reitun hefur fengið aðgang að til skoðunar séu sannleikanum samkvæmt og ekki liggja fyrir frekari gögn. Hafi Reitun fengið afhent ljósrit af skjölum gengur Reitun út frá því að þau séu í samræmi við frumrit viðkomandi skjala og ekki hafi verið gerðir neindir viðaukar eða breytingar á þeim eftir á. Þá er gengið út frá því að allar undirritanir á skjöl og samninga sem Reitun hefur fengið aðgang að séu réttar og skuldbindandi fyrir félagið.

Þær skoðanir og spár sem hér koma fram eru byggðar á almennum upplýsingum og mögulega trúnaðarupplýsingum sem Reitun hefur undir höndum þegar matið er ritað. Helstu heimildir eru ársskýrslur og ýmis gögn frá þeim aðila sem verið er að meta, spurningalistar, samtöl og fundir auk aðgengilegra opinberra upplýsinga sem birst hafa í fjölmiðlum og á öðrum vettvangi sem félagið telur áreiðanlegar. Reitun ábyrgist þó ekki áreiðanleika eða nákvæmni upplýsinganna og ber enga ábyrgð á áreiðanleika upplýsingaveitna sem stuðst er við. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á neinn hátt og þær skulu ekki nýttar á þeirri forsendu að um sé að ræða ráðleggingar vegna fjárfestinga í fjármálagerningum. Fjárfestar eru eindregið hvattir til að afla sér sjálfstæðra ráðlegginga eigin ráðgjafa áður en fjárfest er í fjármálagerningum, s.s. vegna lagalegrar eða skattalegrar stöðu sinnar. Reitun og starfsfólk Reitunar bera ekki ábyrgð á viðskiptum sem byggð eru á þeim upplýsingum og skoðunum sem hér eru settar fram

Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Reitun, eða starfsmenn Reitunar, ekki borið ábyrgð á villum. Mat á upplýsingum endurspeglar skoðanir Reitunar á þeim degi sem þær eru settar fram, en þær geta breyst án fyrirvara. Hvorki Reitun né stjórnendur eða starfsmenn félagsins bera ábyrgð á beinu eða óbeinu tjóni sem hlýst af upplýsingum sem finna má í þessu mati eða dreifingu slíkra upplýsinga.

Sérstök athygli er vakin á því að áætlanir og spár geta breyst fyrirvaralaust á jákvæðan eða neikvæðan hátt og eru háðar utanaðkomandi óvissu og breytum sem gjarnan eru ekki á valdi Reitunar. Reitun og starfsmenn félagsins taka ekki ábyrgð á því ef að UFS mat einstakra útgefanda sem félagið hefur metið og gefið einkunn á breytist. Reitun ábyrgist ekki að gera breytingar á þeim upplýsingum sem birtar eru í skýrslunni ef forsendur þeirra breytast eða ef í ljós kemur að þær eru rangar eða ónákvæmar.

Reitun, starfsmenn Reitunar, stjórnarmenn eða aðilar tengdir Reitun kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Reitunar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar, eða hagsmunir sem lúta að annarri veittri þjónustu. Möguleiki er á að útgefandi verðbréfa sem metin eru greiðir Reitun fyrir þá þjónustu. Öll greiningarvinna eru engu að síður unnin sjálfstætt af Reitun.

Reitun á allan höfundarrétt að upplýsingum í skýrslunni. Óheimilt er með öllu að dreifa þeim upplýsingum sem finna má í matinu eða nýta þær með öðrum hætti án heimildar Reitunar.